

Te Mōhio ki te NCEA



NEW ZEALAND QUALIFICATIONS

AUTHORITY

**NZQA**

NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

Te Mōhio ki te NCEA

# RĀRANGI KAUPAPA

## TE TUAPAPA

He aha te NCEA?

*Inside front cover*

He aha te painga ki a au ina whai i te NCEA?

*Inside front cover*

Me pēhea taku whiwhi NCEA?

1

## WHAKAMĀRAMATANGA

2

Me pēhea taku tonono mō tētahi NCEA?

2

Me pēhea taku kōwhiri akoranga, hōtaka rānei?

2

Me pēhea taku whiwhi paerewa?

2

Me pēhea te aromatawai i aku mahi?

3

Me pēhea au e whiwhi māka mō ia paerewa?

4

Ki te kore au e whiwhi paerewa, ka ahatia?

4

Kia hia aku whiwhinga mō ngā NCEA?

4

Ki te kore au e whiwhi tohu NCEA kaupae 1, ka ahatia?

4

Me pēhea taku whiwhi Whakaurunga Whare Wānanga?

6

He aha ētahi atu tohu ka taea e au te whai i te kura?

6

## TE WHIWHI I Ō HUA NCEA

7

Me pēhea e roiro i a au aku hua?

7

Ka taea rānei aku hua te pira?

8

## ĒTAHI PĀRONGO ANŌ

8

## ĒTAHI TOHUTOHU MĀ NGĀ MĀTUA

9

## HE ARA TOHU KI NGĀ HUA Ā KURA

10

## TE TŪĀPAPA

### He aha te NCEA?

Ko te Taumata Mātauranga ā-Motu Kua Taea te tikanga o te NCEA. Ko ngā NCEA ngā tohu mātauranga arowhānui ka whāia e koe i ngā tau 11 ki te 13.

### He aha te painga ki a au ina whai i te NCEA?

Kei te whakaaetia te NCEA me ērā atu tiwhikete ā-motu e ngā kaitukumahi ā, kei te whakamahia hoki hei paerewa kōwhiri mā ngā whare wānanga me ngā kuratini. Ka whakaaetia tonutia ngā NCEA e te nuinga o ngā kaitukumahi me ngā whare wānanga o tāwāhi.

E ai ki te rangahau tūwehe, ki te pai ō mahi i ngā NCEA, ka pai anō pea ō mahi i tō tau tuatahi i te whare wānanga.

- Mā ngā ākonga e tauhōu ana ki te NCEA tēnei aratohu. Tonoa ō mātua, kaitiaki rānei ki te pānui i tēnei aratohu kia mōhio ai rātou ki te tikanga mahi o te NCEA. Ina tonu rā, tonoa kia pānui rātou i te wāhanga **Ētahi tohutohu mā ngā mātua** i te whārangi 9.

“Kua tukumahi ahau ki ngā taiohi maha noa i ngā tau e rua ka taha nei, ā, ina pānuī ana i ā rātou pepa, whiwhinga hoki, ka kite pai koe kei whea rātou, titiro noa ana ki ā rātou whiwhinga me ā rātou māka. Nui ake tā te NCEA e kōrero ana mō tēnei tangata; mēnā he ringa mahi, he mōhio ki te rorohiko, he pai kia kite raruraru.”

NĀ JUD DWYER, KAIWHAKAHAERE I WESTLAND MILK PRODUCTS

## Me pēhea taku whiwhi NCEA?

Mā te kohikohi whiwhinga e riro mai ai ngā NCEA. Ka whakawhiwhia koe ki tētahi whiwhinga mō ia paerewa ka taea e koe i tō hōtaka ako.

- **Paerewa** ko ngā pūkenga ā-marau, mōhioatanga rānei e manakohia ana ka mau i a koe. Hei taurira, ko tētahi paerewa Pāngarau ko: *Te whakamahi i ngā anā ā tau hei whakaoti rapanga.*
- **Aromatawai** – ko te ine i tō whakatutukitanga i ēnei paerewa. Ka taea te aromatawai ā-roto (te whakamātautau, te ngohe, te taumahi rānei), ā-waho rānei (pērā i te whakamātautau i te mutunga o te tau me te kōpaki mahi ā taurira rānei).
- Ina taea e koe tētahi paerewa, ka riro hoki ētahi **whiwhinga** mō taua paerewa.
- Ina riro ana ētahi whiwhinga kua whakaritea, ka riro hoki tētahi NCEA. **E toru ngā kaupae rerekē o te NCEA** ka taea e koe, i runga tonu i te uaua o ngā paerewa e taea ana e koe.



## WHAKAMĀRAMATANGA

### Me pēhea taku tono mō tētahi NCEA?

Mā tō kura koe e whakauru ki tētahi NCEA, māna hoki e whakamōhio atu te wā hei whakaū i ō tono, te wā hei utu hoki i ō utu (\$75 ia tau).

Ko te NCEA he mea whakariterite e te Mana Tohu Mātauranga o Aotearoa (NZQA). Ka taea e koe te whakamahi i te Tau Ākonga ā-Motu motuhake (NSN) hei tiro tiro i ngā kōrero mōu i tukua ai e tō kura ki te NZQA, tae atu ki ō whakaurunga, ō hua me tō Pūrongo Paetae. Mō ētahi pārongo tirohia [www.nzqa.govt.nz/ncea](http://www.nzqa.govt.nz/ncea), waea atu rānei ki 0800 697 296.

### Me pēhea tāku kōwhiri akoranga, hōtaka rānei?

I te tau 11, ko te tikanga me whai koe i tētahi huinga akoranga whānui noa e ahu atu ana ki ētahi marau motuhake kē. I ngā tau 12 me 13, me whakaaro koe mō ngā wāhi hei arotahi māu mō ō akoranga āmua, tō aramahi rānei. Mēnā koe kei te whakaaro ki tētahi aramahi pū, tirohia ngā paerewa e hiahiatia ana, ka mutu wānanga me tō kaiako otirā te kura e hiahiatia ana e koe te ako.

### Me pēhea taku whiwhi paerewa?

Ina ako koe i tētahi akoranga, hōtaka rānei, mā ngā **aromatawai** ka inea ō mahi ki ētahi paerewa kua whakaritea kētia.

I a koe e ako nā i tētahi kaupapa hōu ka whakamārama ō kaiako i ngā mea ka aromatawaitia. Ka akiaki ngā kaiako mēnā kei te pai haere ō mahi, me āwhina rānei i a koe kia pai ake ai.

He pēnei pea te āhua o tētahi aromatawai Pāngarau i te kaupae 1:

| TAU RĒHITATANGA | AROMATAWAI | INGOA O TE PAEREWĀ  | WHIWHINGA |
|-----------------|------------|---|-----------|
| 1.1             | Ā-roto     | Te whakamahi ariā ā tau hei whakaoti rapanga              | 4         |
| 1.6             | Ā-waho     | Te whakamahi ariā āhuahanga hei whakaoti rapanga          | 4         |
| 1.13            | Ā-roto     | He tūhura i tōtahi  | 3         |
| 1.2             | Ā-waho     | He whakamahi ariā tauanga hei whakaoti rapanga            | 4         |
| 1.3             | Ā-waho     | He tūhura i ngā hononga ā tūtohi, whārite, kauwhata rānei | 4         |
| Rahinga         |            |   | 19        |

### Ngā Momo Paerewa

Ka aromatawaitia e ngā kura ngā momo paerewa e rua;

- **Paerewa Paetae** – ka taea te aromatawai ā-roto e ngā kaiako i te kura, e te aromatawai ā-waho i te mutunga o te tau i ngā whakamātautau ā-motu, e te kōpaki mahi ā tauira rānei
- **Paerewa** – ka aromatawaitia e ngā kaiako i te kura.

### Ngā kaupae paerewa

Kua whakaraupapatia ngā paerewa ki ngā kaupae uauatanga e piki ake ai. Ko te tikanga ko ngā paerewa ka aromatawaitia i ngā kura nō ngā **kaupae 1, 2, 3** hoki. Tīmata ai te nuinga o ngā ākonga tau 11 i te kaupae 1, ka neke ake ki te kaupae 2 i te tau 12, me te kaupae 3 i te tau 13. Ka whakawhiwhia te tiwhikete nā runga i te kaupae o ngā paerewa ka riro i a koe. Hei tauira, ki te riro i a koe ētahi paerewa kaupae 1, ka whakawhiwhia koe ki te NCEA kaupae 1.

### Te ako kaupae-maha

Ka whakaaetia ngā kura maha kia ako koe i ētahi paerewa mai i ngā kaupae rerekē, i runga anō i ō āheinga. Hei tauira, i te tau 12 ka āhei koe ki te ako i te nuinga o ngā marau i te kaupae 2, tētahi marau hōu i te kaupae 1 me tētahi marau hōhonu ake i te kaupae 3 nā runga anō i tō māia.

### Me pēhea te aromatawai i aku mahi?

Ka inea ō mahi e ngā aromatawai e ai ki ngā paerewa i tō akoranga, hōtaka rānei. Ki te hipa koe i te aromatawai, kāti kua taea e koe taua paerewa me te riro i ētahi **whiwhinga** mō tō tohu mātauranga.

Ka **aromatawaitia ā-rototia** ētahi paerewa e ō kaiako i roto i te tau. Ā, ka tiroirohia e NZQA he tikanga ōrite kei waenganui i ngā kura katoa. He whakamātautau i te mutunga o te tau, te nuinga o ngā **aromatawai ā-waho**, ahakoa mō ētahi marau (pēnei i te Hangarau, ngā Toi ā-Kite) me tāpae atu e koe he kōpaki tauira mahi.

## Me pēhea au e whiwhi māka mō ia paerewa?

Ka hāngai tō māka ki te momo paerewa e aromatawaitia ana.

- Mō ngā **pāerewa paetae**: Kua Whiwhi (A) mō te mahi pai noa iho, te Kaiaka (M) mō te mahi tino pai, te Kairangi (E) mō te mahi whakahara tonu, te Kāore i Whiwhi rānei (N) ki te kore koe e hipa ki te kore e tūuki i te paetae.
- Mō ngā **paerewa**, e rua ngā māka ka taea e koe: Kua Whiwhi (A) mō te hipa, Kāore i Whiwhi rānei (N) ki te kore koe e hipa.


## Ki te kore au e whiwhi paerewa, ka ahatia?

Mō ngā paerewa ka aromatawaitia ā-rototia, tērā pea tō kura e whakaae kia aromatawaitia anō koe ā muri ake i roto i te tau. Mō ētahi paerewa, tērā pea ka hikina e te kura tō aromatawai mō te wāhanga whakamutunga, me te whai whakaaro anō hoki ki te nuinga o ō mahi i te tau.

Mō ngā paerewa ka aromatawaitia ā-wahotia, kotahi anake te wā hei whiwhi i te paerewa ia tau, atā te whakamātautau, tētahi atu aromatawai ā-waho rānei i te mutunga o te tau.

## Kia hia aku whiwhinga mō ngā Tiwhikete NCEA?

He ura whiwhinga tō tēnā, tō tēnā paerewa. Ka whiwhi ana koe i tētahi paerewa, ka tatauria ēnei whiwhinga mō tētahi NCEA. Tērā pea ka whai wāhi anō hoki ēnei whiwhinga ki ētahi atu tiwhikete ā-motu, pērā i te Tiwhikete Whakahaere Pakihi. Ka kohia ngā whiwhinga mō te roanga ake o te kotahi tau.



“I nāianei, ko te whakaaetanga mēnā ka tino reira, ka whakanuia koe mēnā i tutuki, mēnā mēnā i tutuki pai rawa atu i a koe te paerewa taua akoranga.”

NĀ TONY GUILLILAND, TUMUAKI O TE KURA TUARUA O V

## Ki te kore au e whiwhi tohu NCEA kaupae 1, ka ahatia?

Ka taea e koe te ako i te kaupae 2 i mua i to whakawhiwhinga tiwhikete kaupae 1. Ka tatauria katoatia ō whiwhinga mō tō tohu kaupae 1, kaupae 2 rānei. Hei taua wā tonu ka āhei koe ki te tīmata ki te mahi mō te kaupae 2. Nā, ko tōna tikanga, tērā pea ka whai wāhi ō whiwhinga ki tētahi tohu, neke atu rānei, i te wā kotahi. Ka taea e koe te ako ētahi atu akoranga, paerewa rānei, i tētahi kaupae o runga ake. Mā tō kaiako koe e āwhina ki te whakatau ko ēhea ngā akoranga hei whai māu.

## Ngā mea e hiahiatia ana mō ngā tiwhikete NCEA:

**Kaupae 1** Kia 80 whiwhinga i tētahi kaupae me te mōhio ki te Reo Matatini me te mōhio ki ngā Tohu Tau\*

**Kaupae 2** Kia 80 whiwhinga – kia 60 te iti rawa i te kaupae 2 neke ake rānei

**Kaupae 3** Kia 80 whiwhinga – kia 60 te iti rawa i te kaupae 3 neke ake rānei me te 20 whiwhinga nō te kaupae 2 neke ake rānei.

kia 60 whiwhinga i te **Kaupae 3 neke ake** rānei

me te 20 whiwhinga nō te **Kaupae 2 neke ake** rānei.

\* Pātaihia ōu kaiako mō ngā whakamārama mō te Reo Matatini me te Tohu Tau

“Ina riro i a koe tō whiwhinga tuatahi, ka pēnei koe kei te pakeke haere koe, ehara koe i te tamaiti. He rite ki te pikinga arapiki, nā ko tō huinga whiwhinga tuatahi te huinga arapiki tuatahi, ko te huinga tuarua te pikitanga tuarua...”

NĀ JESSIE SKIPWORTH, ĀKONGA I TE KĀRETI O PORIRUA

o pai, ka kairangi rānei tō whiwhinga. Nā  
ā i tutuki noa, i tutuki pai kē (te kaiaka),  
wa, ā, he mātanga koe ki tērā āhuatanga o

WESTLAND

### Te āhukahuka i te paetae kairangi

Ka whakamanangia ngā mahi NCEA hei tohu i ngā paetae ikeike o ngā paearu maha. E rua ngā momo taunaki, arā ko te Tiwhikete Whakamananga Paetae me te Whakamananga ā Hōtaka ka tīmata hei te 2011.

**Tohu Whakamananga Paetae:** Ina riro i a koe ngā whiwhinga 50 kei te paetae Kairangi ka whiwhi koe i te NCEA me tētahi tautoko Kairangi. Ina riro i a koe ngā whiwhinga 50 Kaiaka (he huinga rānei o te Kaiaka me te Kairangi) ka whiwhi koe i te NCEA me te tautoko Kaiaka.

I te tau 2009, e 8% ngā Taura Tau 11 i whiwhi i te NCEA kaupae 1 Kairangi, e 27% i whiwhi i te NCEA kaupae 1 Kaiaka.

**Whakamananga Hōtaka:** Ina riro i a koe ngā whiwhinga 14 i roto i te kotahi tau mai i te taumata Paetae me te Kaiaka rānei ka whiwhi koe i te Whakamananga ā Hōtaka. He hou ēnei whakaritenga i roto i ngā taumata katoa o te NCEA mō te tau 2011. Kia kua e iti iho i te 3 whiwhinga mai i ngā paerewa aromatawai ā waho me ngā whiwhinga e 3 mai i ngā paerewa aromatawai ā roto mō tērā hōtaka ako. (Hēoi, kāore ēnei whakaritenga i te hāngai ki te Hauora, Ngā Rangahautanga Hāhi me te Taumata 3 Toi Whakaata.

## Me pēhea taku whiwhi Whakaurunga Whare Wānanga?

Mō te whiwhi whakaurunga ki tētahi whare wānanga o Aotearoa, kia 42 ō whiwhinga kaupae 3 neke ake rānei mai i ngā marau whakamana tae atu hoki ki ētahi whakaritenga mōhio ki te reo matatini me nga tohu tau. Kei te tirohia te Whakaurunga Whare Wānanga 2010, hēoi ka whakamanahia ngā whakanikotanga hei te 2013. Tirohia te whārangi ipurangi o NZQA uiui rānei i o kaiako e pā ana ki ngā paearu mō te Whakaurunga Whare Wānanga.

Kei te tirohia te Whakaurunga Whare Wānanga 2010, hēoi ka whakamanahia ngā whakanikotanga hei te 2013. Ko te Whakaurunga Whare Wānanga te whakaritenga iti rawa atu hei uru ki te whare wānanga. He whakaritenga akoranga tauwhāiti ō te maha o ngā whare wānanga me ngā kaiwhakarato akoranga tuatoru. Mā te whiwhinga Kaiaka me te whiwhinga Kairangi e pai ake ai te whakaetanga kia uru koe ki te akoranga kua kōwhiria e koe. Tērā pea me whiwhi koe i ētahi paerewa kaupae 3 rawa hei whakaritenga whakauru ki ētahi akoranga tuatoru. Me tāutu koe i ngā paetae hei whai māu kia eke ki te kura ako e hiahiatia ana e koe.


## He aha ētahi atu tohu ka taea e au te whai i te kura?

Tēnā pea e whakaako ana tō kura i ētahi tohu atu i te NCEA. Ko ngā mea e mōhionuitia ana ko: Ngā mahi Pakihi, Mahinga Rorohiko, Whakauwhi Tāngata, Kairaweke Hangarau, Te Waharoa me ngā mahi Tāpoi. Pātaihia to kura he aha ngā tohu ā motu e rata ana ki a koe.

Tērā pea ka tatauria ngā whiwhinga mai i ētahi momo mahi mō te tohu kotahi neke atu ā, ka tatauria hoki ngā whiwhinga katoa mō ngā NCEA. Ka taea ētahi tohu te whakaoti i te kura, ā, ko ētahi atu ka tīmata pea i te kura engari ka whakaotia i te wāhi mahi, i tētahi kaiwhakarato mātauranga tuatoru rānei.

“He rawe tonu te whakawhitinga mai i te kura ki te whare wānanga. I raro i te NCEA, kei te pukumahi koe i te tau katoa, nā reira i ngā wā katoa kei te mārama koe ki ngā aromatawai o te wā, me ngā mea ā muri ake. Kei te whai mahere koe me te mōhio he mahi nui anō kei te haere, ka āhua rite nei ki te whare wānanga, e mōhio nā koe hei āhea ō aromatawai, me ngā rā kua whakaritea kia oti.”

NĀ OLIVIA BURT, ĀKONGA TAU  
TUATAHI I TE WHARE WĀNANGA O  
TĀMAKI-MAKAURAU



## TE WHIWHI I Ō HUA NCEA

### E pēhea e whiwhi aku hua?

Mā to kura ake e tuku i ngā paetae aromatawai-ā roto i a koe e whakaoiti mahi ana. Ina tuku rātou i o hua ki te ipurangi o NZQA ka taea e koe te uru ki te whārangi ipurangi, [www.nzqa.govt.nz/login/](http://www.nzqa.govt.nz/login/), mā te whakamahi i te Tau Ākonga ā-Motu motuhake (NSN).

Hei te Kohitātea puta ai ngā hua aromatawai-ā waho, ā hei te Huitānguru ka whaakina ko ngā karahipi. Hei te 2011 mō te wā tuatahi ka taea e koe te kite i o hua kei te whārangi ākonga ā tata muri mai ka whakawhiwhia e koe ki tētahi *Pārongo Hua*. Ka kitea hoki i reira ko ngā Whakawhiwhiga mō Te Whakaurunga Whare Wānanga.

E rua ngā momo pārongo whaimana ka tukua e NZQA. Ko te Whakarāpopoto Hua Kura (WHK), e whakarārangi ana i ngā paerewa katoa i whakamātauria e

koe me ngā hua e whakarārangi ana e ai ki te marau, te kaupae, tae atu hoki ki ngā hua Kāore i Whiwhi. Kei reira hoki he whakatepe o ngā hua ā marau, ā taumata ako hoki.

Ko te tikanga o te *Pūrongo Paetae* (PP), he pūrongo paetae mō ake tonu atu ā, ka whānui haere i a koe ka whiwhi paerewa hōu tonu i te akoranga tuatoru me te whakaakoranga ahumahi.

Kei te whakaatu ēnei tuhinga i ō kōrero paetae kia mārama ake ai ki ngā kaitukumahi me ngā kaiwhakarato mātauranga tuatoru. Ka taea hoki ēnei te whakamahi noa, te tango rānei i ētahi kōrero o roto mō tō Tātai Pūmanawa.

Hei te 2011 ka tārua ngā tiwhikete NCEA me te Whakaurunga Whare Wānanga i runga anō i te tonu. Ka tīmata tēnei hei te Kohitātea.

## Ka taea rānei aku hua te pīra?

Mēnā he pātai āu mō ō aromatawai ā-roto, kei tō kura tētahi hātepe whiriwhiri i roto i te wā iti ka tīmata hei te whakahokitanga o ngā mahi.

Ka taea e koe te tono kia tirohia anōtia e NZQA ngā hua o te nuinga o ngā aromatawai ā-waho ka riro ana i a koe ō hua me ō whakamātautau. Mā NZQA e hoatu pārongo whakamārama ki a koe me tētahi pārongo hua.

Nō te kōpaepae DVD o 2009 "Te mōhio ki te NCEA" ngā kīanga o tēnei puka whakamārama. Kei tō kura tētahi tārua, tirohia rānei: [www.nzqa.govt.nz/ncea/about](http://www.nzqa.govt.nz/ncea/about)



## ĒTAHI PĀRONGO ANŌ

He rauemi whaihua te wāhanga o ngā Tohu me ngā Paetae kei te wāhi [www.nzqa.govt.nz](http://www.nzqa.govt.nz) i te paetukutuku a NZQA tae atu ki:

- te ripanga whakamātautau
- he pepa whakamātautau o mua

|                  |  |
|------------------|--|
| NCEA             | Kōrero ki tō kura, whakapā atu rānei ki NZQA:<br><a href="http://www.nzqa.govt.nz">www.nzqa.govt.nz</a><br>0800 697 296  |
| Tohutohu Aramahi | Kōrero ki tētahi kaitohutohu aramahi i tō kura, whakapā atu rānei ki te Ratonga Aramahi:<br><a href="http://www.careers.govt.nz">www.careers.govt.nz</a><br>0800 222 733 |
| Tohu Mātauranga  | Te whakatauriterite i ngā tohu mātauranga katoa:<br><a href="http://www.nzqf.govt.nz">www.nzqf.govt.nz</a>   |
| Ahu Mahi         | Te Whakapā ki tētahi whakahaere whakaako: <a href="http://www.itf.org.nz">www.itf.org.nz</a>   |
| Pūkenga Ako      | Te Kite i ngā mea e hiahiatia ana hei ako i te NCEA:<br><a href="http://www.studyit.org.nz">www.studyit.org.nz</a>   |



## ĒTAHI TOHUTOHU MĀ NGĀ MĀTUA

- Pātaihia tō tama, tamāhine rānei mō te mahi NCEA – tino mārama ana te nuinga o ngā ākongā.
- Tautokotia tō tama, tamāhine rānei (arā, he wā ako he wāhi ako, he āwhina hoki i ngā mahi kāinga) hei āwhina i a ia ki te ako – me maumahara, ka aromatawaitia ia i roto i te tau, kāore noa iho i ngā whakamātautau whakamutunga anake.
- Ina āwhina ana koe i tō tama, tamāhine rānei ki te kōwhiri marau, meatia kia whānui tonu te kōwhiritanga i te kaupae 1, engari me whakaaro hoki ki ngā wāhi hei arotahi māna mō te ako āmua, mō te aramahi rānei i te kaupae 2 me te kaupae 3.
- Me akiaki i tāu tamaiti ki te whai i te Kairangi me te Kaiaka. Tērā pea ka tautoko ēnei paetae ikeike ki te whai i te mahi e kaingākaunuitia ana otirā te hōtaka ako e tino hiahiatia ana.
- Ki te mōhioia tāu tamaiti i tōna huarahi ako me tāutu koe i te kaupae 2, kaupae 3 rānei e hāngai ana ki te kuratini, ki te whare wānanga e hiahiatia ana e ia.
- Pātaihia ngā kaiako o tō tama, tamāhine rānei, mō te kauneketanga o tana haere. Kei te nuinga o ngā kura hoki ngā wānanga whakamārama mō ngā mātua e pā ana ki ngā tohu.

Tirohia ngā pārongo kei te ipurangi o NZQA  
[www.nzqa.govt.nz/ncea](http://www.nzqa.govt.nz/ncea)

# TE WHAKARĀPOPOTOTANGA HUA Ā-KURA – TŌNA TIKANGA

National Qualifications Framework  
RESULT NOTICE

NZQA  
NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

Another Learner  
123 Small St  
Suburbville  
Rural Town

MIN: 123456789  
Academic Year: 2010  
Issued: January 2011

**Qualification and Achievement Summary for 2010**

Qualification Achieved  
National Certificate in Educational Achievement - Level 3  
New Zealand University Entrance  
132010  
132010

**Standards Achieved in 2010**

Where the result achieved is the best possible result for that standard the result will be shown in bold type.

A - Achieved  
M - Achieved with Merit  
E - Achieved with Excellence

N - Not Achieved  
(ext) - Externally Assessed  
(int) - Internally Assessed

**Economics**

| Level 3  | Standard | Description  | Grade | Credits   |
|--|----------|--|-------|-----------|
|  | 5880     | Demonstrate and explain the basis for trade, and the impact of a trade policy (int)                          | 5     | A         |
|  | 5881     | Describe and measure inflation, its causes and effects, and the impact of a policy to reduce inflation (int) | 5     | A         |
|  | 90794    | Describe inflation and its causes and effects using economic models (ext)                                    | 4     | M         |
|  | 90796    | Describe international trade and its causes and effects using economic models (ext)                          | 4     | N         |
|  | 90796    | Describe economic growth and its causes and effects using economic models (ext)                              | 4     | A         |
| <b>Total credits achieved in 2009 in Economics at level Level 3:</b> |          |  |       | <b>20</b> |

**English**

| Level 2  | Standard | Description   | Grade | Credits   |
|--|----------|---|-------|-----------|
|  | 12420    | Read transactional written text closely (int)                           | 4     | A         |
|  | 12426    | Present static images combining verbal and visual features (int)        | 3     | A         |
|  | 90374    | Deliver a presentation using oral and visual language techniques (int)  | 3     | E         |
|  | 90375    | Produce crafted and developed creative writing (int)                    | 3     | E         |
|  | 90376    | Produce crafted and developed formal transactional writing (int)        | 3     | E         |
|  | 90377    | Analyse extended written text(s) (ext)                                  | 3     | M         |
|  | 90379    | Analyse a visual or oral text (ext)                                     | 3     | N         |
|  | 90380    | Read unfamiliar texts and analyse the ideas and language features (ext) | 3     | M         |
| <b>Total credits achieved in 2009 in English at level Level 2:</b> |          |   |       | <b>22</b> |

**Geography**

| Level 3 | Standard | Description   | Grade | Credits |
|---------|----------|---|-------|---------|
|         | 90702    | Analyse a cultural process (ext)                                  | 4     | M       |
|         | 90704    | Select and apply skills and ideas in a geographic context (ext)   | 4     | N       |
|         | 90705    | Carry out and present geographic research with consultation (int) | 3     | E       |
|         | 90707    | Analyse a geographic topic at a global scale (int)                | 3     | E       |

Issued: January 2011  
Page 1 of 2

New Zealand Qualifications Authority, PO Box 162, Wellington 6145, Telephone 04 461 3700, www.nzqa.govt.nz

- Ngā Hua o te tau
- Ngā Tohu i wiwi i whakamanatia (mēnā rānei i pērā) – Kaiaka, Kairangi rānei
- He whakamārama o ngā kupu riki
- Ngā marau i ākona
- Kaupapa kōrero o te paerewa
- Taumata: A – Paetae
- Ngā whiwhinga
- Taumata: M – Kaiaka
- Te rahinga o ngā whiwhinga
- Taumata: N – Kāore i eke (Kāore i whiwhi)
- Taumata: E – Kairangi